

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होर इस महीने दी 15 तरीक थमां जार्डन-इथोपिया ते ओमान दे चार-रोजा दौरै पर जा रदे न।
2. राष्ट्रपति द्रौपदी मुर्मू होर मणिपर दी महिला योद्धा गी श्रद्धांजलि देने लेई इम्फाल च Nupee Lal Memorial दा दौरा करगंन।
3. मध्य-प्रदेश दे मुखमंत्री मोहन यादव होरें बालाघाट च माओवादियें दे आत्म-सम्पर्ण मगरा राज्य गी नक्सलवाद मुक्त घोषित करी दिता ऐ।
4. केरला दा 30मां अंतराष्ट्री फिल्म महोत्सव अज्जै थमां तिरुवंदपुरम च होआ शुरू रदा ऐ।
5. ते चंडीगढ़ च कल्ल खेड़े गेदे दूए टी-20 अंतराष्ट्रीय मैच च दक्खन - अफ्रीका नै भारत गी 51 रन्जें कन्नै हराइयै 5एं मैचें दी श्रंखला च 1-1 दी बराबरी करी लैती ऐ।

<><><><><><>

Modi Visit

प्रधानमंत्री नरेन्द्र मोदी होर इस महीने दी 15 तरीक थमां जार्डन- इथोपिया ते ओमान दे चार रोजा दौरै पर जा रदे न। अपने दौरै दे पैहली पड़ा तैहत प्रधानमंत्री होर जार्डन दे सुलतान अब्दुल्लाह -II बिन-अल-हुसैन हुंदे साद्दे पर जार्डन जागंन- उत्थे ओ सुलतान अब्दुल्लाह -II बिन-अल-हुसैन हुंदे कन्नै मलाटी करगंन ते भारत ते जार्डन बश्कार समूलचे दपक्खी सरबंधे दा व्यापक जायजा

लैगंन ते कन्नै गै इलाकाई मसलें पर बी चर्चा करगंन। दौरे दे अगले दिन यानि 16 तरीक गी प्रधानमंत्री होर इथोपिया जागंन- जेड़ा इस मुख्यै दे उन्दा पहला दौरा होग। प्रधानमंत्री होर इथोपिया दे प्रधानमंत्री डाक्टर Abiy अहमद अली हुंदे साद्दे पर उत्थे जा रदे न। अपने दौरे दौरान श्री मोदी होर डाक्टर अली हुंदे कन्नै भारत ते इथोपिया बश्कार दपक्खी सरबन्धी गी होर तगड़ा करने बारे चर्चा करंगन। अपने दौरे दे अंतिम चरण च प्रधानमंत्री होर 17 दिसम्बर गी ओमान जागंन- जित्थे ओ ओमान दे सुलतान Haitham बिन तारिक हुंदे साद्दे पर जा रदे न।

<><><><><><>

Prez Manipur

राश्ट्रपति द्रौपदी मुरमू अज्ज इम्फाल च नुपी लाल स्मारक दा दौरा लाइयै मणिपुर दी बहादुर महिला योद्धाएं गी श्रद्धांजलि देगंन ते राज्य आस्तै उंदे ऐतिहासिक योगदान गी चेता करगंन। एहदे मगरा ओह सेनापति जागंन जित्थे ओह इक जनसभा च भाषण देगंन ते जिले च विकास गी बढ़ावा देने लेई परियोजनाएं दा नीह पत्थर रक्खने दे कन्नो-कन्नी उद्घाटन बी करंगन।

राश्ट्रपति द्रौपदी मुरमू होरें कल संजा इम्फाल च इक कार्यक्रम दौरान 1 हजार 387 करोड़ रपे दी बक्ख-बक्ख विकास परियोजनाएं दा उदघाटन ते नीह पत्थर रक्खेया। इनें परियोजनाएं च सेहत- शिक्षा- सिड़क ते जरनैली सिड़क- जनजातीय विकास- कृषि ते होर कैई खेतरे गी शामिल कीता गया ऐ। इस मौके

पर बोलदे होई राष्ट्रपति मुरमू होरें आखेया जे इनें परियोजनाएं कन्नै नौकरियां पैदा होगन- बुनियादी ढांचे च सुधार होग ते आर्थिक गतिविधियें गी बढ़ावा थोग। उनें गलाया जे एह परियोजनां मणिपुर दे समावेशी विकास ते इत्थे दे लोकें दे सशक्तिकरण लेई सरकार दी वचनबद्धता गी दर्शादियां न। हाल च होई दी हिंसा दे बाद मणिपुर दे लोकें गी पेश आवा रदी मुश्कलें पर चैंता जाहर करदे होई राष्ट्रपति मुरमू होरें भरोसा दोआया जे राज्य दिएं चिंताएं गी दूर करना केन्द्र सरकार दी सब्भनें शा बड़्डी प्राथमिकता ऐ।

<><><><><><>

MP Naxal Free

मध्यप्रदेश दे मुखमन्त्री मोहन यादव होरें राज्य गी नक्सल मुक्त करी दिता ऐ। उनें ए घोषणा बालाघाट जिले च दंऊ माओवादियें दे आत्मसम्पर्ण मगरा कीती। उनें आखेया जे प्रधानमन्त्री नरेन्द्र मोदी हुंदे नेतृत्व ते गृहमन्त्री अमित शाह हुंदे मुल्खै गी 2026 तोड़ी नक्सल मुक्त करने दे पक्के निश्चे कारण ए संभव होई सकेया। मुखमन्त्री होरें बालाघाट च दंऊ नक्सलवादियें दे आत्मसमर्पण आले प्रोग्राम गी भोपाल थमां विडियो कांफ्रेसिंग राएं सम्बोधित करदे होई ए गल्ल आक्खी। माओवादियें दीपक ते रोहित नै कल बालाघाट जिले च बिरसा पुलस थाने तैहत कोरका च पौने आले CRPF दे कैम्प च आत्म-सम्पर्ण करी दिता।

<><><><><><>

Kerala Film Festival

केरला दा 30मां अंतराष्ट्री फिल्म-महोत्सव अज्ज थमां Thiruvananthapuram च होआ शुरु रदा ऐ। आकाशवाणी दे संवाददाता नै खबर दिती ऐ जे 19 दिसम्बर तोड़ी चलने आले इस महोत्सव च 26 वर्गे च 82 मुख्यें दियें 206 फिल्में गी दस्सेया जाग। इस महोत्सव च वैश्विक सिनेमा- संस्कृति दे आदान-प्रदान ते नमें फिल्म निर्माताएं दे बक्ख-बक्ख कम्में दा प्रदर्शन कीता जाग।

<><><><><><>

SC Doctors

सुप्रीम कोर्ट नै बाम्बे हाई-कोर्ट आसेया निजी डाक्टरें गी बीमा दे लाह थमा बाहर रक्खने आले फैसले गी दरकिनार करदे होई- कोविड-19 दौरान ड्यूटी करदे होई फौत होए दे डाक्टरे गी गरीब कल्याण योजना तैहत 50 लक्ख रपे दी बीमा राशी दा हकदार मनेया ऐ। न्यांमूर्ति P.S. Naramsimha ते P. Mahadevan हुंदी बेंच नै आखेया जे महामारी दे नियम ते सरकारी हुकम स्पष्ट करदा ऐ जे डाक्टरे दी बड़ी मती लोड़ ही ते बीमा अगगे खड़ोड़यै कम्म करने आले लेई मुख्यें दी तरफा इक आश्वासन हा। सुप्रीम कोर्ट नै आखेया पर दावाकर्ता गी ए साबित करना होग जे मरने आले दी मौत कोविड महामारी दौरान ड्यूटी च होई दी ऐ।

<><><><><><>

EC-SIR

चुनां कमीशन नै 6 राज्यें ते केन्द्रीय राज प्रबंधन आहले इलाकें च एल्लै चला रदी मतदाता सूचियें दी विशेष ते व्यापक नजरसानी दे कार्यक्रम च बदलाव कीता ऐ। एल्लै तमिनाडू-गुजरात- मध्य-प्रदेश- छत्तीसगढ़- उत्तर-प्रदेश ते अंदमान निकोबार टापुएं च SIR दी प्रक्रिया चला रदी ऐ। साहड़े संवाददाता मुजब तमिनाडू ते गुजरात च हून 14 दिसम्बर तोड़ी SIR प्रक्रिया गी मुकम्मल करने लेई आखेया गया ऐ जदकि मध्य-प्रदेश- छत्तीसगढ़ ते अंदमान निकोबार टापुएं च SIR प्रक्रिया गितै खीरी तरीक गी अगगे बदाइयै 18 दिसम्बर करी दिता गया ऐ। उत्तर-प्रदेश च बी SIR प्रक्रिया दी खीरी तरीक गी अगड़ा पाइयै 26 दिसम्बर करी दिता गया ऐ। नमीं मतदाता सूचियें दे मसौदे गी प्रकाशित करने दी तरीकें च बी बदलाव किता गया ऐ। हून तमिनाडू ते गुजरात दी मतदाता सूचि दा मसौदा 19 दिसम्बर- मध्य-प्रदेश- केरल ते छत्तीसगढ़- अंदमान निकोबार दा 23 दिसम्बर ते उत्तर-प्रदेश दी मतदाता सूचि दा मसौदा 31 दिसम्बर तोड़ी जारी करना तय कीता गया ऐ।

<><><><><><>

Modi Trump

प्रधानमंत्री नरेन्द्र मोदी होरें कल अमरीकी राष्ट्रपति डोनाल्ड ट्रम्प हुंदे कन्नै फोन पर गल्लबात कीती। इक सोशल मीडिया पोस्ट च श्री मोदी होरें आखेया जे दौनै नेताएं दपक्खी सरबंघें च प्रगति दी समीक्षा कीती ते इलाकाई ते अंतराष्ट्रीय घटनाक्रम पर चर्चा कीती। उन्नै आखेया जे भारत ते अमरीका कुल संसारी शांति-स्थिरता ते खुशहाली लेई साथ-सहयोग जारी रक्खगंन।

<><><><><><>

DA Dinner

प्रधानमंत्री नरेन्द्र मोदी होरें अपने सरकारी आवास च राश्ट्रीय जनतांत्रिक गठबंधन (NDA) दे सब्बनैं सांसदें लेई रातीं आहली रुट्टी दा विशेष दा आयोजन कीता। बिहार विधानसभा चुनाएं च जित दे बाद गठबंधन दा एह पैहला बड्डा किट्ठा हा। सूत्रें दस्सेया जे इस बैठक दा मकसद गठबंधन दे भागीदारें बशकार विचारें दे खुल्ले ते रचनात्मक आदान-प्रदान लेई इक मंच उपलब्ध करोआना हा।

<><><><><><>

Cricket

जंदे रातीं नमें चंडीगढ़ दे मुल्तांपुर दे महाराजा यादविंद्र सिंह अंतराश्ट्रीय क्रिकेट स्टेडियम च भारत ते दक्खन अफ्रीका बशकार खेड्डे गेदे दुए टी-20 मैच च दक्खन-अफ्रीका नै भारत गी 51एं रन्जे कन्नै हराई दिता। एडेन च मार्करम दी अगुआई च दक्खन-अफ्रीका नै इस जित दे परैन्त 5एं मैचें दी इस श्रृंखला च 1-1 दी बराबरी करी लैती ऐ। एहदे शा पैहले बल्लेबाजी करने लेई आक्खे जाने मगरा दक्खन-अफ्रीका नै 20एं ओवरें च चंडू विकटें पर 213 रन्ज बनाए। परतै च भारत 19 इशारिया 1 ओवरें च 162 रन्ज गै बनाई सकेया ते मैच 51एं रन्ज करने हारी बैठा।

<><><><><><>